

81. *T. hyperboreus* **J. Sahlb. \***) var. d. ♀. Unicum specimen ad Paadana in regione paludosa d. 15 Jul. cepi.

Obs. Haec varietas forte distinctam constituit speciem, sed quum specimina tantum feminina vidi, de ea re certe dijudicare non possum.

82. *Camptobrochis punctulatus* **Fall.** (nec Fieb.). *C. Falteni* **Hahn, Fieb.** In floribus Achilleae millefolii ad vicum Jalguba in regione montana d. 15 Jun. et 30 Aug. captus.

83. *Calocoris fulvomaculatus* **De Geer.** Habitat per totam Kareliam rossicam frequenter.

84. *C. Chenopodii* **Fall.** Prope oppidum Petrosawodsk ab **A. Günther** captus.

85. *C. seticornis* **Fabr.** Habitat in regione montana passim minus frequenter.

86. *Phytocoris intricatus* **Flor.** In frondibus Pini abietis prope cataractam Kiwatsch d. 16 Aug. captus.

87. *Closterotomus bifasciatus* **Fabr.** In regione montana passim occurrit.

88. *Rhopalotomus ater* **L.** Per totam Kareliam rossicam occurrit.

### MERMIMERUS Nov. Gen.

*μέρμυς* = filum, *μέρος* = articulus.

Corpus ovatum, nigropilosum. Caput ovatum, vertice haud carinatum, convexum, tylo angusto, acutangulariter porrecto. Rostrum medium abdominis segmenti primi attingens, articulo primo apicem xyphi fere attingenti, apice secundoque basi incrassatis, tertio quam contiguus parum breviori ultimoque tenuibus. Pronotum breve, trapeziforme, antice transversim gibbosum, gibbo lateribus evanescenti; lateribus crasse marginatum. Alae cellula hamo instructa. Prosternum xypho oblongo-triangulari, medio excavato. Mesosternum magnum, convexum, medio tenuiter canaliculatum, postice obsolete excisum. Metasternum parvum, depressum. Pedes elongati. Tarsi postici articulo primo secundoque

\*) In descriptione mea, *Notis. ur Sällsk. pro Fauna et Flora fenica förhandl. IX*, error exortus est typographicus, qui corrigendus est:

Pag. 227 lin. 5 loco:  $\frac{1}{2}$ ; lege:  $\frac{3}{4}$ .